

RESOLUCIÓN do 13 de novembro de 2020 pola que se dá publicidade do Acordo do Consello de Dirección que modifica as bases reguladoras dos préstamos previstos no Instrumento financeiro préstamos pemes Galicia-programa operativo Feder Galicia 2014-2020 (código de procedemento IG534C). IGAPE DOG Nº 235, 20/11/2020

Finalidade

Apoiar financeiramente ás pemes afectadas pola crise causa pola COVID-19 que, coas medidas de apoio financeiro postas en marcha ata o momento polas administracións central e autonómica, non obtiveran financiamento suficiente para manter a súa capacidade de funcionamento.

Tipos de apoio

Contratos de préstamo a instrumentar entre e o beneficiario e o Igape. Concorrencia non competitiva.

Beneficiarios potenciais

1. Poderán ser beneficiarios aquelas pequenas, medianas ou microempresas, que cumpran os seguintes requisitos:

- a) Realizar unha iniciativa empresarial nun centro de traballo, obxecto do proxecto de investimento, localizado na Comunidade Autónoma de Galicia, salvo nas modalidades de préstamos que no Anexo I eximan expresamente deste requisito.
- b) Cumprir as condicións establecidas especificamente para a correspondente modalidade de préstamo, conforme aos requisitos que se detallan no anexo I.
- c) Achegar para o proxecto de investimento unha contribución financeira mínima do 25% do proxecto, exenta de calquera tipo de apoio público.

En préstamos destinados ao financiamento de capital de explotación, non será de aplicación este requisito nin tampouco necesaria a execución dun proxecto de investimento..

Poderán ser beneficiarias aquelas empresas que, cumplindo estos requisitos, acrediten estar afectadas pola crise causada pola COVID-19 e xustifiquen a necesidade de financiamento para o capital de explotación necesario para reforzar o desenvolvemento das súas actividades xerais en Galicia.

As beneficiarias terán que acreditar razoablemente no expediente de solicitude, que cumplen polo menos unha das seguintes condicións:

1. Atoparse ante a necesidade de recuperar o capital de explotación perdido durante a crise de saúde pública, tras presentar os dous últimos anos EBITDA positivo, non poder ter axustado os seus custos á caída da facturación motivada pola crise de saúde pública, e que isto supuxera unha redución do activo corrente e/ou un aumento do pasivo corrente no balance, situando a diferenza de ambas magnitudes por debaixo do fondo de manobra necesario para o normal funcionamento.

2. Atoparse ante a necesidade de incrementar o seu capital de explotación en previsión dunha lenta recuperación do mercado. Entenderase que sucede isto, exclusivamente nos seguintes casos:

Santiago de Compostela. Rúa Tomiño, nº 22 - Soto. 15703 - Stgo. de Compostela. A CORUNA. Aptdo.: 2069. T 981 584 783 - 981 584 911 F 981 571 730 agaca@agaca.coop
Lugo. Rúa Poeta Noriega Varela, nº 30 - Etpta. 27004 - Lugo. LUGO. T 982 201 514 - 982 201 543 F 982 202 056 agacalugo@agaca.coop
Ourense. Rúa Bedoia, nº 7 - 2º - Of. 1. 32004 - Ourense. OURENSE. T 988 242 481 F 988 242 480 agacaorense@agaca.coop

www.agaca.coop



- Nas industrias ou nas actividades comerciais que adquiren os seus aprovisionamentos de materia prima ou de mercadorías de forma estacional, dependendo de colleitas ou campañas, e deben almacenar as súas existencias durante un período de tempo moito máis longo do habitual a causa da previsible caída das vendas.

- En empresas cuxos clientes estean especialmente afectados pola crise, e deban conceder períodos de cobro más dilatados nas súas vendas.

3. Empresas que, polas súas características particulares, sufran habitualmente dificultades de acceso ao financiamento bancario para capital de explotación, e que na situación de crise vexan empeorada a súa capacidade de acceso ao crédito. Enténdese que se atopan nesta situación:

- Pemes de economía social (Cooperativas, Sociedades Laborais, Centros Especiais de Emprego, Empresas de Inserción Laboral, e outras entidades de economía social con actividade empresarial significativa).

- Pemes cuxa actividade sexa fundamentalmente estacional, vinculada á celebración de eventos que foran cancelados pola crise de saúde pública.

2. Tamén poderán ser beneficiarias as persoas físicas e as sociedades civís e comunidades de bens, que cumpran o establecido no apartado 1 anterior.

Requisitos principais do proxecto

1.- Importe do préstamo:

O mínimo do/s préstamo/s por beneficiaria será de 3.000 euros e o máximo de 500.000 euros. A titular deberá solicitar a cantidad que estime necesaria para reforzar o seu capital de explotación, en coherencia coa memoria explicativa que deberá xuntar á solicitude.

2. - Prazos de amortización e de carencia:

O prazo de amortización será como máximo de 7 anos, incluíndo un máximo de 3 anos de carencia na amortización de principal.

3. - Tipo de xuro:

a) Tipo de xuro ordinario:

O tipo de xuro nominal anual, determinarase para toda a vida do préstamo no momento da concesión, resultado de sumar:

-Tipo de referencia: Será a media do Euribor a 1 ano do mes anterior á data da Proposta de Resolución da concesión do préstamo.

- Marxe adicional: Será de 0,2 puntos porcentuais.

O tipo de xuro será do 0% cando resultase negativo.

b) Tipo de xuro de mora:

En caso de atraso no pago dalgunha das sumas debidas en virtude deste contrato, o prestameiro incorrerá de pleno dereito en mora sen necesidade de requerimento previo e virá obrigado a pagar sobre a suma vencida o tipo de xuro ordinario do período máis 6 puntos porcentuais anuais. Os

devanditos xuros liquidaranse coincidindo co seguinte vencemento trimestral de xuros

4. - Plan de amortización:

Unha vez finalizado o período de carencia, o reintegro do préstamo realizarase en cotas trimestrais **vencidas**, o último día de cada trimestre natural, xunto coa cantidade destinada ao pago de xuros. O plan de amortización será calculado polo Igape e incorporarase á resolución de concesión. Para o cálculo do plan de amortización, utilizarase o sistema de amortización francés, de forma que a carga para afrontar polo beneficiario, resultante de sumar os xuros e as amortizacions para pagar ao trimestre polo beneficiario mantéñase constante durante toda a vida do préstamo tras a carencia.

5 - Garantías:

Para préstamos de importe igual ou inferior a 200.000 euros, non se requirirá a achega de garantías adicionais á responsabilidade da prestameira. Para préstamos de importe superior, Igape tomará garantías en función da súa disponibilidade e das características do beneficiario. As garantías serán puntuadas conforme aos criterios sinalados no Anexo IV.

Cualificación requerida do proxecto

Non se establecen criterios específicos de avaliación, concedéndose todas as solicitudes que superen os limiares de cualificación do risco e cumpran os requisitos das bases reguladoras, ata o esgotamento do presupuesto.

Investimentos ou gastos computables

Será financiable o capital de explotación, que incluirá os seguintes conceptos de gasto aos que poderá aplicarse o préstamo:

- O financiamento de contas a pagar por compras de materias primas, outros aprovisionamentos e mercadorías, gastos de persoal (soldos e salarios, indemnizacións, seguridade social, e outros gastos sociais), impostos, arrendamentos e cánones, reparacións e conservación, servizos de profesionais independentes, transportes, primas de seguros, publicidade, propaganda e relacións públicas, subministracións e outros servizos relacionados coa actividade.
- O financiamento das contas a cobrar de clientes, que se reflecta nun incremento de saldo do balance.

Os fondos do préstamo non poderán ser aplicados a finalidades distintas das relacionadas, tales como o pago de investimentos ou o pago de débedas bancarias.

Prazo de presentación de solicitudes

Rematará cando se produza a primeira das seguintes circunstancias:

- Que conforme ás solicitudes recibidas, se esgote o crédito orzamentario para a respectiva modalidade de préstamo.
- O 30 de decembro de 2020.

